

ԴԱՄԲԱՆԱԲՈՒՐԻ ՊԵՂՈՒՄՆԵՐ ԻԶԵՎԱՆԻ ՇՐՋԱՆԻ  
ԲԵՐՔԱՐԵՐ ԳՅՈՒՂՈՒՄ\*

1975 թ. սկսվեց Ջողազի ջրամբարի շինարարությունը (ՀՍՍՀ Իշևանի շրջան)։ Շինարարական աշխատանքների ժամանակ բացվել էին տարբեր դարաշրջանների պատկանող մի շարք հնագիտական հուշարձաններ՝ քնակատեղիներ, դամբարանադաշտեր և առանձին դամբարանախմբեր։ Ի հայտ եկած հուշարձանախմբերը հիմնականում տեղադրված էին Ջողազ գետի աջ ափին։ Այստեղ, մոտավորապես 3 կմ երկարությամբ ձգվող հարթ դարավանդի վրա, որը դարեր շարունակ օգտագործվել է որպես վարելահող, եղել են վաղ, միջին, ուշ բրոնզեդարյան, ինչպես և անտիկ, միջնադարյան ու ավելի նոր ժամանակների հուշարձաններ։ XIX դարում նշված դարավանդի վրա՝ Գիլասքու Հող և Կալեր կոչվող տարածքում է տեղադրված եղել նաև Ջողազ (նեկայումս Բերքաբեր) գյուղը։ Հետաքրքրական է այն փաստը, որ XIX դարի առաջին կեսին այստեղ ցարական կառավարության կողմից կառուցվել է դպրոց, որի կրպակատ, սպիտակեցված պատերը բացվել էին ջրամբարի հողաշինարարական աշխատանքների ժամանակ։ Գյուղի և դպրոցի կառուցման մասին ուշագրավ տեղեկություն է տալիս Սարգիս վարդապետ Ջալալյանը, որը գրում է. «Է գիւղ (Ջողազ) ի վերայ հասարակաց ճանապարհին որ երեկ լինել բարերրև, բայց ծանր է ջուր և օդ տեղւոյն աստ, շինեցաւ գեղեցիկ կամուրջ և ուսումնարան արքունի ծախուք ի 1838 ամիս»։

Վերահիշյալ ժամանակաշրջանների հուշարձանների մի զգալի մասը հողաշինարարական աշխատանքների ժամանակ ոչնչացվել է, իսկ մնացած մասը ենթարկվել է մասնակի ավերա-

ծությունների։ Նշված հուշարձանների շարքում առանձնակի տեղ է գրավում հատկապես վաղ բրոնզեդարյանը (Կուր-արաքսյան)։ Հայտնի է քնակատեղիների և նրանց կից դամբարանադաշտերի վայրը։

Պետք է ասել, որ մինչև Ջողազի ջրամբարի շինարարական աշխատանքների սկսելը, Բերքաբերի հուշարձանները հնագիտությանը գրեթե հայտնի չէին, չհաշված այն, որ 1968 թ. այստեղ կատարված հետախուզական պեղումների ժամանակ գյուղի քնակից Թելման Մալիկյանի կողմից հնագետ Ս. Ա. Նսալանին է տրվել մ. թ. ա. III հազարամյակի II կեսով թվագրվող մեկ միական թավաթ, որը հրատարակվել է Ս. Ա. Նսալանի կողմից<sup>2</sup>։

Բերքաբերում 1981 թ. Հայկական ՍՍՀ ԳԱ հնագիտության և ազգագրության ինստիտուտի և Հայաստանի պատմության պետական թանգարանի կողմից պեղումներ կատարվեցին Գյուղից 7—8 հարյուր մետր հյուսիս-արևմուտք՝ ջրամբարի հարավային ափին, պեղվեցին մի շարք դամբարաններ (շուրջ երկու տասնյակ), որոնք հիմնականում հիմնահողային էին, երկուսը՝ քարակղեր, իսկ մեկը՝ դամբանարարուր։

Հիմնահողային և քարակղեր թաղումները պատկանում են Կուր-արաքսյան մշակույթի տարբեր փուլերին, իսկ դամբանարարուրն իր կառուցվածքային առանձնահատկություններով ու պարունակած նյութերով հարում է Անդրկովկասում առաջին անգամ ի հայտ եկած Վրացական ՍՍՀ-ի Տետրիծղարուի շրջանի Բեդենիում հայտնաբերվածներին, որոնք հայտնի են Երեզնյան անվանումով<sup>3</sup>։

\* Դամբանարարուրի վերաբերյալ հեղինակի կողմից ղեկուցում է կարգացվել ՀՍՍՀ ԳԱ հնագիտության և ազգագրության ինստիտուտում կայացած կոնֆերանսում (տե՛ս Երիտասարդ գիտնականների VI կոնֆերանս, ղեկուցումների թեզիսներ. Երևան, 1984, էջ 6)։

<sup>1</sup> Սարգիս Ջալալյանց. Ճանապարհորդություն ի Մեծն Հայաստան. գիրք Ա, Տբիլիսի, 1842, էջ 154։

<sup>2</sup> Ս. Ա. -Е с а я н. Древняя культура племен северо-восточной Армении (III—I тыс. до н.э.). Ереван, 1976, с. 99, табл. 82, рис. 10.

<sup>3</sup> К. Н. П а н ч е л а у р и. Археологические исследования в зонах новостроек Норо-Алазанского бассейна. — Археологические исследования на новостройках Грузинской ССР (сб.). Тбилиси, 1982, с. 57.

Վերջին երկու տասնամյակներում բեղինյան տիպին պատկանող մեծ քանակությամբ հուշարձաններ են պեղվել Արևելյան Վրաստանում՝ Իորի և Ալազան գետերի ավազաններում:

Բերքաբերում պեղված դամբարանությունն իր կառուցվածքային առանձնահատկություններով և պարունակած նյութերով ավելի սերտ առնչություններ ունի Ալազանի հովտում Շ. Դեգարբիշվիլու կողմից պեղված դամբարանությունների հետ:

Դամբարանությունը բացվել էր շրամբարի շինարարության հետ կապված հողային աշխատանքների ժամանակ: Մինչև շրամբարի շինարարական աշխատանքների սկսվելը այս տարածքը օգտագործվել է որպես վարելահող, որի հետևանքով դամբարանությունը լիցքը, կամ հողաթումբը, գրեթե հարթեցվել է: Իսկ շրամբարի շինարարության ժամանակ այն ամբողջովին հեռացվել էր: Կեղծվար էր որոշել դամբարանությունը տրամագիծը: Դամբարանությունը հողի լիցքի տակ ունեցել է նաև զլաքարից լիցք, որի մի մասը ևս հեռացվել էր: Գլաքարի լիցքի մի մասը, մոտ 25—30 մ տրամագծով, ներկայումս պահպանվում է, որի տակ էլ հավանաբար գտնվում է հիմնական դամբարանախույրը: Պեղված դամբարանախույրը, որը գտնվում է դամբարանությունից պահպանված քարե լիցքից մոտ 10 մ հյուսիս, հիմնականը չէ:

Պեղելուց առաջ դամբարանախույրի վրա տեղ-տեղ երևում էին զլաքարեր, իսկ մակերեսի հիմնական մասը պատված էր հողի բարակ շերտով: Այն հեռացնելուց հետո պարզվեց, որ դամբարանախույրը լցված է զլաքարերով: Գլաքարով ամբողջովին լցված է եղել նաև Ալազանի հովտի Շ. Դեգարբիշվիլու կողմից պեղված III դամբարանությունը: Դամբարանախույրը, որը, ըստ հնագետի, ունեցել է փայտե ծածկ, քարի լիցքով: Չնայած փայտի հետքեր չեն հայտնաբերվել այդ դամբարանախույրում, բայց այն ամբողջովին լցված է եղել քարով:

Բերքաբերի դամբարանախույրի մեջ լցված քարը հանելուց հետո պարզվեց, որ դամբարանը ունեցել է փայտե ծածկ, որի փտելուց հետո նրա վրայի զլաքարի լիցքի մի մասը թափվել է թաղման խույրը, իր տակ ճզմելով նաև խեցեղենի Մածկի փայտի սեպած դաշվածքներ հայտնաբերվեցին դամբարանափոսի հյուսիսային պատի վրա, ինչպես և հատակին: Մածկի փայտը, ինչպես և փայտե այլ կոնստրուկցիաներ, միայն դրոշմված ձևով են ներկայանում նաև Ալազանի հովտի I դամբարանությունում: Դամբարանափոսի արևմուտ-

յան մասը լցված էր ըստ երևույթին անձրեակների բերած հողով: փոսի հավանաբար լցման է դեռևս այն ժամանակ, երբ դամբարանի ծածկը փտած ու փլված չի եղել: Դամբարանի համար որպես հատակ ծառայում էր ավազի բնական շերտը:

Դամբարանախույրը քառակյտնաձև էր. ունեի 4 մ երկարություն, 3 մ լայնություն և 1 մ խորություն: Կողմնորոշումը արևելքից արևմուտք էր:

Ինչպես արդեն վերը նշել ենք, պեղված դամբարանախույրում կատարված էր զոհաբերված կենդանու թաղում: Կենդանու կմախքը տեղադրված էր թաղման խցի միջին մասում: Կողմնակների մի մասը և ծնոտը հայտնաբերվեցին դամբարանի հատակից 50—70 սմ բարձրության վրա՝ դամբարանախույրը թափված քարի լիցքի մեջ: Այստեղ գտնվեց նաև մարդու մեկ ատամ: Հստ երեվույթին զոհաբերված կենդանու մի մասը դրված է եղել դամբարանախույրի փայտե ծածկի վրա լրջված քարի լիցքի վերին մասում: Իսկ ծածկը փլվել է, այն լիցքի զլաքարերի հետ միասին հայտնվել է դամբարանախույրում:

Դամբարանում թաղված կենդանու կմախքի մոտ հայտնաբերվեց բրոնզե դանակ (նկ. 1), որն ուներ կարճ, նեղ լեզվաձև և պոչ և բավականին լայն, բարակ շեղք: Ծեղրի երկու կողմների միջին մասը՝ առանցքը, մի փոքր ուռուցիկ է՝ երկթեք (իրի երկ. 17,8 սմ է, շեղքի լայն. 8 սմ): Բացառված չէ, որ այդ դանակով է կատարվել զոհաբերությունը:

Ալազանի հովտի II դամբարանությունում հայտնաբերվել է երկու համանման իրճ, որոնցից մեկը գրեթե լրիվ քայքայված է եղել, իսկ մյուսը բաժանված է եղել մի քանի մասերի և վերականգնվել է:

Դամբարանախույրում հայտնաբերված խեցեղենը, ինչպես վերը նշվել է, ծածկի փլվելու հետևանքով թաղման խույրը թափված քարերի տակ ճզմվել էր՝ վերածվելով բազմաթիվ մանր ու մեծ բեկորների: Արտաքին տեսքով ամբողջական էր մնացել միայն մեկ երկկոնիկ միականթ գավաթ, որն ըստ երևույթին նախօրոք, մինչև ծածկի փլվելը, գտնվելիս է եղել անձրեակ-

6 Տե՛ս նույն տեղում, էջ 43 (II—23), աղ. XIV—3 և աղ. XXIX—2: Հեղինակը այս իրերը ներկայացնում է որպես стержень (шпонка) (էջ 40): Այս տիպի առարկաներ մեծ քանակությամբ հայտնաբերվել են նաև Բեղինիի դամբարանություններում: ամրացված են եղել սայլերի սունակների վրա: Տե՛ս Գ. Զոնցի Զ. Պեղումներ Բեղինիի ճորտաձևերում: Երևան, 1981.

4 III. III. Д е д а б р и ш в и л и. Курганы Алазанской долины. — Труды Кахетской археологической экспедиции. Т. II, Тбилиси, 1979 (см. курганы I, II, III).

5 նույն տեղում, էջ 51:


շրերի հետևանքով դամբարանախուցը թափված հողի բերվածքի տակ և չի շարդվել:

Դամբարանախցում, կապված թաղման ծեսի հետ, տեղադրված են եղել 10 կավանոթներ: Խեցեղենի դասավորված է եղել թաղված կենդանու երկու կողմերում:

Դամբարանախցի հյուսիսային և հարավային պատերի տակ կային երկու մեծ կնուճների բաղ-

որը գրեթե ամբողջովին քայքայված վիճակում էր:

Խեցեղենի մնացած մասը, որ շահերով ավելի փոքր է, քան նկարագրված երկու կնուճները, տեղադրված էր կմախքի արևմտյան կողմում՝ գրեթե մեկ գծի վրա: Այս շարքում կային էրև կնուճներ, որոնց բեկորները գտնվում էին շարքի միջին մասում և պարզ է, որ նախօրոք



Նկ. 1

մաթիվ բեկորներ (կնուճները մասնակիորեն վերականգնված են, աղ. 1, 1): Այս կնուճներն իրենց չափերով և արտաքին տեսքով իրար նման են, ունեն ուռուցիկ, բավականին լայն իրան, սև գույնի են, փայլեցված: Այս երկու կավանոթների իրանի վերին մասերում կան երկուական աղեղնաձև կանթեր: Նման տիպի երկկանթանի կավանոթները լայն տարածում ունեն Բեղենիի և Ալառանի հովտի համապատասխան մշակույթի մեջ: Բերքարերից պեղված կնուճներն արտաքին տեսքով և չափերով ավելի մոտ են Ալազանի հովտի Դեզարրիշվիլու պեղած I դամբարանաբերի № 21 և 40 կավանոթներին<sup>7</sup>: Երկկանթանի և միականթ կնուճներ հայտնաբերվել են նաև III դամբարանաբերում<sup>8</sup>: Ընդհանրապես ուսի վրա երկու և մեկ աղեղնաձև կանթերով կավանոթները հատկանշական են Երեղենյան համարվող մշակույթին և լայն տարածում ունեն:

Դամբարանախցում վերը նկարագրված երկու կավանոթների միջև գտնվեց չափերով բավականին փոքր, կարմիր գույնի մեկ այլ կավանոթ,

դրված են եղել իրար մոտ: Կնուճներից առաջինը (աղ. 1, 2) ունի ընդգծված, կլորավուն իրան, բավականին կարճ վիզ, դուրս թեքված սրվող շուրթ: Կավանոթը ներսից դեղնավուն է, իսկ արտաքինից ներկված է կարմիր գույնի ներկով, որը հիմնականում թափված է: Այս կավանոթը անկանթ է, ունի բարակ խեցի և պատրաստված է դեղնավուն գույնի մաքուր կավից: Արտաքին տեսքով նմանվում է Բամուտի (Հյուսիսային Կովկաս) դամբարանադաշտում պեղված մայկուպյան մշակույթի ուշ շրջանին պատկանող թաղումներից հայտնաբերված կարմիր օխրայագույն կավանոթներին<sup>9</sup>:


Երկրորդ կնուճը (աղ. 1, 3) ունի կլորավուն իրան, լայն բերան և հարթ հատակ, վիզը կարճ է, իսկ կանթերը շրթադիր ուղղահայաց են: Կավանոթը պատրաստված է ցածրորակ, վատ հունցված մանր ավազախոն կավից: Իր արտաքին տեսքով այս կավանոթը նման է Ալազանի հովտի I դամբարանաբերում հայտնաբերված երկկանթանի լայնաբերան կնուճին<sup>10</sup>:

<sup>7</sup> Մ. Մ. Դեդաբրիշվիլի. Указ. соч., с. 29, 32, табл. XXII, 21, 40.


<sup>8</sup> Նույն տեղում, աղ. LV—LX:

<sup>9</sup> Р. М. Мунчаев. Кавказ на заре бронзового века. М., 1975, рис. 66.

<sup>10</sup> Մ. Մ. Դեդաբրիշվիլի. Указ. соч., табл. XXX (տե՛ս կնուճը):



Աղ. 1



Աղ. 11

Երրորդ կնիքը (ադ. 1, 4) -ունի կլորավուն իրան, հարթ հատակ, կարճ, դեպի վեր նեղացող վիզ և դուրս թեքված սրվող շուրթ: Վրան կա մեկ կաննթ, որը սկսվում է վիզի միջին մասից և շարունակվում է մինչև իրանի վերին մասը: Կավանոթը արտաքինից շագանակագույն է, բավականին փայլուն մակերեսով: Նման տիպի միականթ, լավ փայլեցված մակերեսով կավանոթներ հայտնաբերվել են նաև Բեդեհեի դամբարանայինբումալի:

Կամախքի արևմտյան կողմում՝ հայտնաբերվե-  
ցին նաև շորս սև գույնի գավաթներու Առաջինը  
(աղ. II, 1) ունի ուռուցիկ իրան և հարթ հա-  
տակ, Իրանի վերին մասում, շուրթի տակ, կան  
երկու ուկլեիձեղ զծերու Այս կավանոթի կանթը շըր-  
թադր ուղղահայաց է, աղեղնաձև, կտրվածքում  
կլոր Կանթի հակառակ կողմում կա մեկ կլոր  
փուռիկ, ուկլորոդ գավաթը (աղ. II, 2) թխնի-  
կաձև է, ինչի կարճ, նեղ անցքով ծորակ, որը  
կանթի հետ կազմում է 90° անկյուն Կավանոթի  
իրանի վերին մասով, շուրթից ցած, անցնում են  
ձրեք ակոսագծեր, որոնք կանթի մոտ թեքվում են  
ցած՝ օղակելով այն Թելնիկաձև կավանոթ, բայց  
ոչ անմիջապես նման տիպի, հայտնաբերվել է  
ձևակ Այազադեի հովտի II դամբանաբուրլուրից<sup>12</sup>։  
Այնպես որ Բերքարերի դամբանաբուրլուր գտնը-  
ված թխնիկաձև անոթը նորություն չէ այս մշա-  
կույթի համար Երրորդ և չորրորդ գավաթները  
(աղ. II, 3, 4) երկկոնիկ են, ունեն հարթ հա-  
տակ և իրանի վերին կեսում՝ աղեղնաձև կանթեր,  
որոնք կտրվածքում կլոր են Այս կավանոթներն  
իրենց չափերով տարբեր են, ունեն դուրս շեշտ-  
ված ուղիղ շուրթերու Գավաթներն իրենց կանթերի  
հակառակ կողմերում փուռակաղաղդ են Երկկո-  
նիկ, փուռակաղաղդ, իրանի վերին կեսում աղեղ-  
նաձև կանթով, դուրս շեշտված ուղիղ շուրթով  
գավաթներ հայտնաբերվել են նաև Այազանի  
հովտի I և II դամբանաբուրլոսներում<sup>13</sup>, Բեղենիում  
է ընդհանրապես յուրահատուկ են այդ մշակույ-  
թին Ինչպես վերը տեսանք, Բերքաբերում բաց-  
ժամ դամբանաբուրլի դամբանախցում հայտ-  
նաբերված նյութները հիմնականում իրենց զու-  
գահեռներն ունեն Այազանի հովտի I և II դամ-  
բանաբուրլոսներ Նյութներում<sup>14</sup>։ Այս դամբանա-

■ ԲՈՒՐՆԵՐԸ ԴԵՊԱՐԻԶՎԻՈՒ ԿՈՂՄԻՑ ԹՎԱԳՐՎՈՒՄ ԵՏ  
Մ. Թ. Ս. XXIII—XXI դդ. 15.

Բեղհնիի դամբանարուրները Գ. Գորեշչիվիլու-  
կողմից թվագրվում են մ. թ. ա. III հազարամ-  
յակի վերջով—II հազարամյակի սկզբով<sup>16</sup>։ Քանի  
որ Բերքաբերի դամբանարուրից հայտնաբեր-  
ված նյութերի մի մասը իր զուգահեռներն ունի  
ավելի վաղ թվագրվող Ալազանի հովտի, իսկ մի  
մասն էլ մի փոքր ավելի ուշ թվագրվող Բեղհնիի  
դամբանարուրների և Բամուտի ուշ մայկոպյան  
շակույթի նյութերում, ապա, մեր կարծիքով,  
Բերքաբերի դամբանարուրը պետք է թվագրել  
մ. թ. ա. XXI—XX դդ.։

Ինչպես տեսանք, Բերքաբերում պեղված դամբանաբլուրն իր կառուցվածքային առանձնահատկություններով և պարունակած նյութերով առանձնանում է Կուր-արաքսյան մշակույթից և պատկանում է մի նոր մշակույթի, որը հնագիտությամբ հայտնի է դարձել վերջերս: Հայկական ՍՍՀ Հյուսիս-արևելյան շրջանում այս նոր մշակույթին (որը, ամենայն զամպականությունամբ, Անդրկովկասում հայտնվել է մ. թ. ա. III հազարամյակի կեսերից և հարատևել է նաև մ. թ. ա. II հազարամյակի առաջին քառորդում) պատկանող հուշարձանի հայտնաբերումը ինքնին հետաքրքիր երևույթ է: Ուշագրավ է նաև այն հիտառը, որ վերջին տարիներին այս մշակույթին պատկանող հուշերն հայտնաբերվել են նաև Ադրբեջանի Նարալ-արեան շրջանում<sup>17</sup>:

Սննձ այս նոր մշակույթի ընդգրկման սահմանները մինչև վերջին տարիները համապատասխան էին համարվում Վրաստանի հարավ-արևելյան և արևելյան շրջաններին, իրենց մեջ ներառելով հատկապես իրամ, Իորի և Ալազան գետերի ավազանները, ապա այժմ պարզվում է, որ այդ մշակույթի տարածման սահմանները դավալաների լայն են և ներառում են նաև Աղդուբաշի հարավ-արևմտյան և Հայաստանի հյուսիս-արևելյան շրջանները, Այս նոր մշակույթի մանրակրկիտ ուսումնասիրումը կարող է պարզուրույուն մտցնել Կուր-արաքսյան վաղ բրոնզեդարյան մշակույթի հետ կապված որոշ առեղծվածներին մեջ:

**Ս. Ե. ԳԱՍՊԱՐՅԱՆ**

<sup>11</sup> გ. გობეჯიშვილი, დაშრომი ლაბ. XXX  
2, 3.

<sup>12</sup> III. III. Дедабришвили. Указ. соч., табл. XXVII, 43.

13 Նույն տեղում, աղ. XXVI և XLVIII.

14 Այս դամբանաբլուրները Շ. Դեղաբրիշվիլին համարում է արքայական (տե՛ս նշվ. աշխ., էջ 59): Այս երկուսից հատկանշական է հատկա-

պէս II-ը, որտեղից հայտնաբերվել են մեծ քանակութեամբ ոսկեա առարկաներ, որոնց մեջ առավել աչքի է ընկնում առյուծի ոսկեծուլ արձանիկը (աղ. LXII):

15 Նույն տեղում, էջ 25:

<sup>16</sup> გ. გოგუჯიშვილი, თასახ. ნაშრომი, გვ 136.

17 Այս մասին տե՛ս Կ. Ն. Փիշքելաւ-  
րի. Կազմ. ժող., ի. 57.